



Broj:01/2-02-253/14
Datum: 07.03.2014. godine

Na osnovu člana 33. Statuta Općine Visoko («Službeni glasnik Općine Visoko» broj:1/11 i 8/13), člana 3. Odluke o načinu odabira projekata nevladinih/neprofitnih organizacija po LOD metodologiji («Službeni glasnik Općine Visoko» broj:10/13), Budžeta Općine za 2014. godinu («Službeni glasnik Općine Visoko» broj:10/13) i Programa utroška sredstava broj:01/2-02-252/14, Općinska načelnica Visoko objavljuje:

**JAVNI POZIV NEVLADINIM ORGANIZACIJAMA I FONDACIJAMA
ZA PREDAJU PRIJEDLOGA PROJEKATA KOJE ĆE FINANSIRATI/SUFINSIRATI
OPĆINA VISOKO U 2014. GODINI**

1. Općina Visoko poziva sve nevladine organizacije (NVO) i fondacije, koje su registrovane u Bosni i Hercegovini, ili u FBiH, da dostave prijedloge projekata koji bi se finansirali / sufinansirali od Općine Visoko za 2014. godinu.
2. Finansiranje / sufinansiranje projekata vršit će se iz Budžeta Općine u iznosu od 185.000,00 KM i to iz dijela budžetskih pozicija:
 - a) Transfer za organizovanje kulturnih i sportskih manifestacija i aktivnosti, iznos 110.000,00KM, za projekte iz oblasti kulture i sporta.
Sredstva za odobrene projekte iz ove oblasti iznosit će od 100,00 KM do 11.000,00 KM.
 - b) Transfer za omladinske, obrazovne i istraživačke aktivnosti, iznos 25.000,00 KM, za projekte iz oblasti obrazovanja, projekti za mlade i za istraživačke aktivnosti.
Sredstva za odobrene projekte iz navedenih oblasti iznosit će od 100,00 KM do 2.500,00 KM.
 - c) Transfer za udruženja građana, iznos 50.000,00 KM, za projekte socijalne uključenosti, gender, ljudska prava, prava manjinskih grupa, borba protiv siromaštva i projekti za razvoj i poboljšanje položaja mladih.
Sredstva za odobrene projekte iz navedenih oblasti iznosit će od 100,00 KM do 5.000,00 KM.
3. Uslovi za korištenje sredstava Općine Visoko su:
 - a) Da su projekti namijenjeni građanima Općine i da su u cijelosti implementirani na prostoru općine Visoko;
 - b) Da je projekat usmjeren na realizaciju ciljeva iz strateških dokumenata Općine i za prioritetne oblasti kako je navedeno.
4. Projekti moraju biti napisani na predviđenom obrascu, koji se može preuzeti na web stranici Općine, www.visoko.gov.ba, moraju biti precizni, konkretni i jasni i sadržavati sve elemente koji bi mogli potvrditi njihovu praktičnu i društvenu opravdanost i efekte. Pored toga prijava mora sadržavati:
 - a) Rješenje o upisu u registar udruženja i fondacija (original ili ovjerena kopija rješenja);
 - b) Izvod iz registra nadležnog Ministarstva, ne stariji od 90 dana;
 - c) Identifikacijski broj;
 - d) Izvještaj o realizovanim projektima za prethodnu godinu za ranije osnovane organizacije, odnosno program rada za tekuću godinu za novoosnovane organizacije;
 - e) Uvjerenje o izmirenim poreskim obavezama (original ili ovjerena kopija poreske uprave);
 - f) Uvjerenje o izmirenim doprinosima za zaposlene, ako ima zaposlenih u organizaciji (ako nema zaposlenih priložiti izjavu da nema zaposlenih);

g) Završni godišnji finansijski izvještaj za prethodnu godinu (bilans stanja i bilans uspjeha), osim ako je udruženje registrovano u godini objavljivanja Javnog poziva).

5. Aplikanti koji su u 2013. godini koristili budžetska sredstva Općine Visoko, dužni su uz projekte obavezno dostaviti izvještaj o realizaciji projekata i izvještaj o radu za 2013. godinu, na propisanom obrascu, bez kojeg se neće razmatrati zahtjevi za sredstva u 2014. godini. Sportska društva i klubovi dužni su dostaviti i popunjene upitnike za sportske klubove. Ostali eliminatorni kriteriji su:

- a) Nedostatak formalnih uslova za kandidovanje programa i projekata (nepotpuna, netačna ili neblagovremena prijava);
- b) Aktivnosti predviđene projektom već postoje.

6. Kriteriji za ocjenu projekata:

a) Finansijski i operativni kapacitet:

- iskustvo aplikanta i njegovih partnera u upravljanju projektima,
- stručni kapaciteti aplikanta i njegovih partnera (posebno poznavanje pitanja na koje se projekat odnosi),
- upravljački kapaciteti podnosioca prijedloga i partnera (uključujući osoblje, opremu i sposobnost za upravljanje budžetom projekta)

b) Relevantnost :

- relevantnost projekta u odnosu na cilj, jedan ili više prioriteta javnog poziva,
- jasna definisanost i strateški odabir učesnika uključenih u projekat (posrednici, krajnji korisnici, ciljne grupe),
- jasna definisanost potreba ciljnih grupa i krajnjih korisnika, te da li ih projekat tretira na pravi način,
- posjedovanje dodatnih kvaliteta projekta, kao što su inovativni pristup i modeli dobre prakse,
- prijedlog projekta zagovara model politike baziran na pravima i ima uticaja na podređene grupe (promocija ravnopravnosti spolova i osnaživanje žena, zaštita okoliša međunacionalna saradnja, problematika omladine itd).

c) Metodologija:

- kompetentnost mjera plana aktivnosti i predloženih aktivnosti odgovarajuće, praktične i dosljedne ciljevima i očekivanim rezultatima,
- konzistentnost cjelokupnog dizajna projekta (a naročito, da li odražava analizu uočenih problema, moguće vanjske faktore),
- zadovoljavajući nivo uključenosti i angažiranja partnera u realizaciji projekta,
- objektivno mjerljivi indikatori rezultata aktivnosti (da li je i jedan od indikatora gender senzitivna ili gender indikator)

d) Održivost:

- konkretan uticaj aktivnosti predviđenih projektom na ciljne grupe,
- višestruki uticaj projekta (uključujući mogućnost primjene na druge ciljne grupe ili provedbu u drugim sredinama i/ili produžavanje efekata aktivnosti kao i razmjene informacija o iskustvima sa projekta),
- održivost institucionalno očekivanih rezultata predloženih aktivnosti (da li će strukture koje omogućuju da se aktivnosti nastave postojati na kraju projekta, da li će postojati lokalno "vlasništvo" nad rezultatima projekta),
- održivost predloženih očekivanih aktivnosti (ako je moguće, navesti kakav će biti strukturalni uticaj provedenih aktivnosti – npr. da li će doći do poboljšanja pravne regulative, metoda i pravila ponašanja itd.),
- vjerovatnost uticaja očekivanih dugoročnih rezultata na lokalne ekonomske uslove i/ili kvalitet života u ciljnim područjima.

e) Budžet i racionalnost troškova

- odnos između procijenjenih troškova i očekivanih rezultata,
- predloženi troškovi neophodni za implementaciju projekta,
- jasnost budžeta, uključuje li i narativni dio (omogućena opravdanost za tehničku

opremu), ispoštovanost principa prema kojem administrativni i troškovi osoblja ne prelaze 20% ukupnih troškova, rodna osjetljivost budžeta, primjenjivost, priložene biografije i opisi radnih mjesta.

Jedan aplikant može podnijeti više aplikacija ali sredstva mogu biti odobrena samo za jedan projekat.

Općina zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije. Sredstva će biti dodijeljena svim uspješnim aplikantima do iznosa koji je raspoloživ po navedenim budžetskim pozicijama, a pojedinačne isplate će se vršiti u skladu sa dinamikom i procentom punjenja budžeta

7. Krajnji rok za predaju projekata je 21 dan od dana objave. Projekti se podnose u tri primjerka u štampanoj formi (jedan original i dvije kopije) i jednoj elektronskoj kopiji (CD) u zatvorenoj koverti sa naznakom «KOMISIJI ZA OCJENU PROJEKATA UDRUŽENJA I FONDACIJA» na adresu: Općina Visoko, Služba za društvene djelatnosti i boračko-invalidsku zaštitu, Ulica Alije Izetbegovića 12A, 71300 Visoko. Elektronska kopija mora sadržavati obaveznu projektnu dokumentaciju (projektni prijedlog, pregled budžeta i matricu logičkog okvira). Komisija za ocjenu projekata će donijeti prijedlog o raspodjeli sredstava. Zaključak o raspodjeli sredstava bit će objavljen na web stranici Općine www.visoko.gov.ba.

8. Za sva udruženja i fondacije koja se žele dodatno informisati, pitanja u vezi sa javnim pozivom mogu se postaviti putem e-mail adrese: drustvene@visoko.gov.ba ili direktno u Službi za društvene djelatnost i boračko-invalidsku zaštitu.

Dostavljeno:

1. Mediji
2. Oglasna ploča
3. Arhiva

OPĆINSKA NAČELNICA VISOKO

Amra Babić